

釐正按摩要術

釐正按摩要術第二卷目錄

立法

按法

摩法

掐法

揉法

推法

運法

搓法

搖法

汗法

吐法

下法

鍼法

灸法

燂法

砭法

浴法

盒法

疎表法

清裏法

解煩法

開閉法

引痰法

煖痰法

納氣法

通脈法

定痛法

熨法

呪法

釐正按摩要術卷二

寶應惕厲子張振鋆原名體稟筱衫纂輯

丹徒張 質幼樵校刊

江都韓廣宏毅菴校刊

按法

素問陰陽應象大論慄悍者按而收之王太僕註慄疾也悍利也氣候疾利按之以收斂也玉機真臟論脾風發輝曰可  
按疝瘕少腹冤熱而痛出白又曰可按舉痛論按之則熱氣  
至熱氣至則痛止調經論歧伯曰按摩勿釋又曰按摩勿釋

異法方宜論。痿厥寒熱其治宜導引按蹻。故導引按蹻者亦從中央出也。王註。溼氣在下。故多病痿弱。氣逆及寒熱也。導引謂搖筋骨動支節。按謂抑按皮肉。蹻謂捷舉手足。生氣通天論。冬不按蹻。春不勦。王註。按謂按摩。蹻謂如蹻捷者之舉動手足。是所謂導引也。然擾動筋骨則陽氣不藏。春陽上升。重熱熏肺。肺通於鼻。病勦謂鼻中水出。病勦謂鼻中血出也。離合真邪論。按而止之。血氣形志論。形數驚恐。經絡不通。病生於不仁。治之以按摩醪藥。王註。驚則脈氣併。恐則神不收。脈併神游。故經絡不通而病不仁。按摩者。開通閉塞。導引

陰陽醪藥謂酒藥也。養正祛邪調中理氣也。內經載按法者多。其中有不可按者。按則增病。有不可不按者。按則療病。故首先辨證。總之古人用按摩法。無人不治。不拘拘嬰孩也。爾雅釋詁。按止也。廣韻。按抑也。周于蕃謂按而留之者。以按之不動也。按字從手從安。以手探穴而安於其上也。俗稱推挈。挈持也。按卽挈之說也。前人所謂挈者。茲則以按易之。以言手法。則以右手大指面直接之。或用大指背屈而按之。或兩指對過合按之。其於胸腹則又以掌心按之。宜輕宜重。以當時相機行之。



一按風門。風門卽耳門。在耳前起肉。當耳缺陷中。將兩大指背跪按兩耳門。所謂黃蜂入洞法也。此溫法亦汗法也。最能通氣。周于蕃

一按牙關。牙關在兩牙頤盡近耳處。用大中二指對過着力合按之。治牙關閉者卽開。周于蕃

一按肩井。肩井在缺盆上。大骨前寸半。以三指按當中指下陷中。是用右手大指按之。治嘔吐發汗。周于蕃

一按孺旁。孺旁卽乳旁。用右手大指按之。治咳嗽止嘔吐。左右同。周于蕃

一按肚角。肚角在臍之旁。用右手掌心按之。治腹痛。亦止泄瀉。周于蕃

一按琵琶。琵琶在肩井下。以大指按之。能益精神。廣意

一按走馬。走馬在琵琶下斗肘之上。以大指按之。發汗。廣意

一按交骨。交骨在手掌後。上下高骨間。以中大指合按之。治

急慢驚風。周于蕃

一按總經。總經在掌根橫紋之後。用右手大指背屈按其上。

復以中指按手背。與橫紋對過一窩。風治急驚暴亡等證。

周于蕃

一按百蟲百蟲在膝上以大指背屈按之止抽搐。周于蕃

一按三陰交三陰交在內踝踝尖上三寸以右手大指按之。

能通血脈治驚風。廣意

一按僕參僕參卽鞋帶在足跟上按之治昏迷不醒者。廣意

一按二人上馬二人上馬在小指無名指骨界空處以大中

指對過按之治腹痛。周于蕃

## 摩法

素問病能篇。摩之切之。至真要大論。摩之浴之。調經論。言按摩勿釋者。再離合真神論。治之以按摩醪藥。前漢藝文志。黃帝岐伯。按摩十卷。小兒按摩經。四明陳氏著集。載鍼灸大成。周于蕃曰。按而留之。摩以去之。又曰。急摩爲瀉。緩摩爲補。摩法較推則從輕。較運則從重。或用大指。或用掌心。宜遵石室秘錄。摩法不宜急。不宜緩。不宜輕。不宜重。以中和之義施之。其後招法屬按揉法。推運搓搖等法。均從摩法出也。

一摩腹。用掌心團摩滿腹上。治傷乳食。周于蕃

一摩左右脇。左右脇在胸腹兩旁肋膊處。以掌心橫摩兩邊得八十一一次。治食積痰滯。周于蕃

一摩丹田。丹田在臍下。以掌心由胸口直摩之。得八十一一次。治食積氣滯。周于蕃

一摩神闕。神闕卽肚臍。以掌心按臍並小腹。或往上或往下。或宜左。或宜右。按而摩之。或數十次。數百次。治腹痛並治便秘。周于蕃

一摩總經。天河曲池三穴。以右手大指側直摩之。自能開胸退熱。按摩經

案摩法。前人以藥物摩者多。而以手法摩者。祇此數條。其  
後推揉運搓搖等法。皆從摩法體會出之。摩之名。雖易摩  
之義。則一也。習按摩者。其知之。

惕厲子



## 掐法

掐。說文爪刺也。玉篇爪按曰掐。周于蕃曰。掐由甲入也。夏禹鑄曰。以掐代鍼也。小兒久病且重者。先將人中一指以試之。當卽有哭聲。或連哭數聲者。生。否則哭如鴉聲。或絕無聲者。難治。但醫者仍勿輕棄。以期生機於萬一。是亦好生之德也。掐法以大指甲按主治之穴。或輕或重。相機行之。

一掐大橫紋。大橫紋卽總心經。小天心在掌根處。爲諸經之祖。以指甲掐之。衆經皆動。百病皆效。其嗽甚。再掐中指一節。痰多。再掐手背一節。指甲爲筋之餘。掐內止吐。掐外止



瀉。按摩經

一指大指端。大指端即肝記穴。又名皮罷。指之治吼喘。並治

昏迷不醒者。周于蕃

一指心經。心經在中指第一節。指之治咳嗽發熱出汗。按摩經

一指內勞宮。內勞宮即掌心。指之亦治發熱出汗。按摩經

一指脾土。脾土在大指第一節。曲指左轉為補。直推為瀉。治

飲食不進。瘦弱面黃。四肢無力。肚起青筋。按摩經

一指大腸側。大腸側在食指二節側。倒推入虎口。治水瀉痢

疾。肚腹膨脹。紅痢補腎水。白痢推三關。按摩經

一指肺經。肺經在無名指第一節。又指離宮起。至乾宮止。當中輕兩頭重。治咳嗽化痰昏迷嘔吐。按摩經

一指腎經。腎經在小指第一節。又指小橫紋退六府。治大便不通小便赤色澀滯不利。腹脹氣急。人事昏迷。按摩經

一指總筋。總筋在掌後由總筋指過天河水。能清心火。治口內生瘡。遍身潮熱。夜間啼哭。四肢抽掣。按摩經

一指二扇門。二扇門在中指骨兩邊空處。指後以揉法繼之。治壯熱多汗。並治急驚。口眼歪斜。偏左則右指揉。偏右則左指揉。均宜重。按摩經

一掐二人上馬穴註主和溫之性能補腎。清神順氣甦醒沈

疴。按摩經掐後以揉法繼之。周于蕃

一掐外勞宮。外勞宮在掌背中間與內勞宮相對。能清臟腑

熱。以及午後潮熱。腹見青筋。皆可用。按摩經掐後以揉法

繼之。周于蕃

一掐一窩風。一窩風在掌背盡根處。治肚痛。脣白。眼翻白。一

哭一死。並除風去熱。按摩經掐後以揉法繼之。周于蕃

一掐外間使。外間使在掌背一窩風陽池外關之後。與內間

使相對。掐主溫。和治吐瀉轉筋。周于蕃

一掐五指節。五指節在手背指節高紋處。治傷風被水驚嚇。

四肢抽掣面青。並一切驚證。按摩經掐後以揉法繼之。治

口眼歪斜咳嗽風痰。周于蕃

一掐精甯精甯在手背合谷後一窩風之上。治痰喘氣吼乾

嘔痞積。按摩經掐後以揉法繼之。周于蕃

一掐威靈威靈在手背二人上馬後一窩風之下。治急驚暴

死。掐此處有聲可治無聲難治。按摩經掐後以揉法繼之。

並按合谷穴。周于蕃

一掐陽池陽池在手背一窩風之後。清補腎水。治大小便閉。

眼翻白

按摩經

掐後以揉法繼之。治頭痛風寒無汗爲表

散之法

周于蕃

一指四橫紋。四橫紋在陽掌面。二節橫紋處。治口眼歪斜。止

腹痛。退臟腑熱。

廣意

一指小橫紋。小橫紋在四橫紋之上。指節橫紋處。治口唇破

爛。能退熱除煩。

廣意

一指十王。十王在五指甲側。能退熱。

廣意

一指端正。端正在左者。中指端左側。掐之止瀉。端正在右者。

中指端右側。掐之止吐。

廣意

一指委中委中在膝後灣中有紋處治往前跌悶。廣意

一指內廷內廷在足大指次指外間陷中治往後跌悶。廣意

一指太沖太沖在足大指本節後動脈中治危急之證舌吐

者不治。廣意

一指甘載甘載在掌背合谷後能救危險能祛鬼祟。廣意

一指大敦大敦在足大指端去爪甲韭葉許毛中屈大指指

之治鷹爪驚握拳咬牙者。廣意

一指前承山前承山在足三里下與後承山相對指之治驚

來急速者。廣意

一掐後承山。後承山在足後跟去地一尺。掐之治氣吼發汗。  
消痰食痞積。廣意

一凡掐筋之法。何證何穴。先將主病穴。起手掐三遍。後將諸  
穴掐三遍。掐後揉之。每日掐三四次。其病自退。不可忽視。  
按摩經

一掐老龍。老龍在男左女右無名指巔。掐之治急驚風。無聲  
者方可治。廣意

一掐中指甲。醫者以大指入兒中指甲內。着力掐之。治急慢  
驚。周于蕃

# 揉法

周于蕃曰揉以和之。揉法以手宛轉迴環。宜輕宜緩。繞於其上。也是從摩法生出者。可以和氣血。可以活筋絡。而臟腑無閉塞之虞矣。

一揉精甯。穴註治噎氣喘氣。以二三百遍。氣平爲止。周于蕃

一揉版門。版門在大指魚際上。揉之除氣促。氣攻氣吼氣痛。

並治嘔脹。按摩經

一揉內勞宮。穴註揉之動心中之火。惟發汗用之。切不可

輕動。按摩經



一揉湧泉。湧泉在足心。揉之左轉止吐。右轉止瀉。若女用反之。按摩經

一揉僕參。穴註揉之左轉於吐則治之。右轉於瀉則治之。皆

補法也。按摩經

一揉腳大指。指腳中指。甲少許。治驚。按摩經

一揉小天心。穴註能清腎水。按摩經

一揉外勞宮。穴註和五臟。治潮熱。左轉清涼。右轉溫熱。廣意

一揉外八卦。穴註主涼除臟腑秘結。通血脈。廣意

一揉臍上。治肚脹氣響。廣意

一揉龜尾。龜尾在臀尖。揉之治赤白痢泄瀉。廣意

一揉三里。三里在膝頭下三寸。揉之治麻木。廣意

一揉中廉。中廉在前膝鬼眼之下。解谿之上。先掐後揉治驚

來急者。按摩經

一揉中指第一節內紋。先掐三次後揉之治泄瀉。按摩經

一揉後承山。穴註治氣吼發汗。廣意

一揉威靈。穴註治卒亡。周于蕃



## 推法

廣意曰。凡推動向前者。必期如縷之直。毋得斜曲。恐傷動別經而招患也。古人有推三迴一之法。謂推去三次。帶迴一次。若驚風用推。不可拘成數。但推中略帶幾回。便是。其手法。手內四指握定。以大指側着力。直推之。推向前去。三次。或帶回一次。如乾推。則恐傷皮膚。廣意。春夏用熱水。秋冬用蔥薑水。以手指蘸水。推之水多。須以手拭之。過於乾。則有傷皮膚。過於溼。則難於着實。以乾溼得宜。爲妙。夏禹鑄曰。往上推爲清。往下推爲補。周于蕃曰。推有直其指者。則主瀉。取消食之義。

推有曲其指者則主補取進食之義。內傷用香麝少許和水推之。外感用葱薑煎水推之。抑或葱薑香麝並用入水推之。是摩中之手法最重者。凡用推必蘸湯以施之。

一推天河水。天河水在總經之上。曲池之下。蘸水由橫紋推至天河。爲清天河水。蘸水由內勞宮推至曲池。爲大推天河水。蘸水由曲池推至內勞宮。爲取天河水。均是以水濟火。取清涼退熱之義。周于蕃 圖附卷三

一推骨節。由項下大椎直推至龜尾。須蘸葱薑湯推之。治傷寒骨節疼痛。周于蕃

一推肺俞。肺俞在第三椎下兩旁。相去脊各一寸五分。對乳引繩取之。須蘸葱薑湯左旋推。屬補。右旋推。屬泄。但補泄須分四六數用之。治風寒。周于蕃

一推由版門至大橫紋。蘸湯推之。能吐。能止瀉。周于蕃

一推由大橫紋至版門。蘸湯推之。能瀉。能止嘔。周于蕃

一推三關。蘸葱薑湯。由陽池推至曲池。主溫性病。寒者多推之。周于蕃若以三關在一窩風外間使處推上至曲池。夏

禹鑄主之。其說甚是。

一推六府。蘸沸湯。由曲池推至陰池。主涼性病。熱者多推之。

周于蕃

若以六府在掌面內間使處由曲池推下至總經

夏禹鑄主之其說亦是

一推肝木肝木卽食指端蘸湯側推之直入虎口能和氣生

血周于蕃

一推分陽池由小兒陽掌根中間向左蘸葱薑湯推之治脣

乾頭低肢冷項強目直視口出冷氣周于蕃

一推分陰池由小兒陽掌根中間向右蘸葱薑湯推之須用

手大指一分陽一分陰治法同上條周于蕃

一推四橫紋四橫紋在陽掌四指中節蘸葱薑湯推之和上

下之氣血。治人事瘦弱。手足抽掣。頭偏左右。腸胃溼熱。不

食。嬾。眼翻白者。按摩經

一推外關間使。其穴在陰掌根一窩風之後。蘸葱薑湯推之。

治吐瀉轉筋。按摩經

一推後谿。後谿在手掌四指後。先用掐法。後蘸湯推上為瀉。

推下為補。治小便赤澀。益腎經虛弱。按摩經

一推版門。穴註蘸湯往外推之。能退熱。往內推之。治四肢抽

搐。按摩經

一推指三關。三關在食指三節。分寅卯辰三關。蘸葱薑湯推



之能通血氣能發汗。廣意

一推脾土。脾土在大指端。蘸湯屈兒指推之爲補。能醒人事。

直其指推之爲清。能進飲食。周于蕃

一推五經。五經卽五指尖也。蘸湯逐一往上直推。往右運爲

補。往左運爲瀉。總期辨寒熱虛實以施之。廣意

一推三陰交。穴註蘸湯從上往下推之治急驚。從下往上推

之治慢驚。廣意

一推心火。心火卽中指端。蘸湯推之能發汗退熱。若掐之亦

能利小便。廣意

一推肺金。肺金卽無名指端。蘸湯推之。性主溫通。能止咳化痰。廣意

一推腎水。腎水卽小指端。蘸湯推之。退臟腑熱。利小便。小便短數。又宜補之。廣意

一推中指節。蘸湯推內則熱。推外則瀉。廣意

一推坎宮。坎宮在兩眉上。蘸湯由小兒眉心分推兩旁。能治外感風寒。廣意  
圖附卷三

一推攢竹。攢竹在天庭下。蘸湯由眉心交互往上直推。廣意

圖附卷三

一推胃脘。由喉往下推。止吐。由中脘往上推。則吐。均須蘸湯。  
周于蕃

一推肚臍。須蘸湯。往小腹下推。則泄。由小腹往肚臍上推。則  
補。周于蕃

一推面部次第也。右大指蘸蔥薑湯。由眉心推至顙門三十  
六次。隨用兩大指蘸湯。由天庭分推兩額。並太陽太陰各  
三十六次。又以大指掐印堂五下。顙門三十六下。隨用  
大指面左右揉轉各三十六次。掐百會穴三十六下。山根  
鼻準人中承漿各三十六下。隨於各穴亦各揉三十六次。

再於主治之穴從而按摩之。自能除風痰。去寒熱。其妙在適臟腑。行氣血。治經絡。庶無塞而不通之病。

周于蕃

一推面部手部次第也。推坎宮二十四次。推攢竹二十四次。運太陽二十四次。運耳背高骨二十四次。掐承漿一下。掐兩頰一下。掐兩聽會一下。掐兩太陽一下。掐眉心一下。掐人耳一下。提兩耳尖三下。推虎口三關。推五指尖。燂五指尖。運八卦。分陰陽。推三關。六府。用十大手法。運斗肘。爲按摩不易之法。

廣意

案掐由甲入。用以代鍼。掐之則生痛。而氣血一止。隨以揉

繼之。氣血行而經絡舒也。推須着力。故推必蘸湯。否則有傷肌膚。掐從按法出。推從摩法出。搓搖揉運。是較推法之從輕者。亦無不從摩而出。按少而摩多者。均以宣通爲得其法也。惕厲子

# 運法

周于蕃曰。運則行之。謂四面旋繞而運動之也。宜輕不宜重。宜緩不宜急。俾血脈流動。筋絡宣通。則氣機有冲和之致。而病自告痊矣。

一運太陽

穴註上

用兩大指運兒兩太陽。往耳運轉爲瀉。往眼

運轉爲補。

廣意

一運耳背高骨。用兩手中指無名指。揉運耳後高骨二十四

下畢。再掐三下。治風熱。

廣意

一運五經。五經卽五指端也。運之治肚脹腸鳴。上下氣血不

和寒熱往來四肢抽掣

按摩經

一運內八卦以大指面自乾起運至兌止到離宜輕運恐推

動心火餘俱從重能開胸化痰

按摩經

圖附卷三

一運外八卦外八卦在掌背運之能通一身之氣血開臟腑

之秘結穴絡平和而蕩蕩也

按摩經

圖附卷三

一運水入土治水旺土衰食穀不化者運土入水治水火不

濟者

按摩經

圖附卷三

一運內勞宮

穴註上

醫者屈中指運之右運涼左運汗

按摩經

# 搓法

周于蕃曰。搓以轉之。謂兩手相合而交轉以相搓也。或兩指合搓。或兩手合搓。各極運動之妙。是從摩法中生出者。

一搓五經。五經卽五指端也。以大指食指合搓之。能動臟腑之氣。按摩經

一搓食指。按關上爲風關。關中爲氣關。關下爲命關。大指中指合而直搓之。能化痰。按摩經

一搓湧泉。穴註左手搓向大指則止吐。右手搓向小指則止瀉。按摩經



一搓臍下丹田等處。以右手周圍搓摩之。一往一來。治膨脹

腹痛。按摩經

## 搖法

周于蕃曰。搖則動之。又曰寒證往裏搖。熱證往外搖。是法也。搖動宜輕。可以活經絡。可以和氣血。亦摩法中之變化而出者。

一搖頭。兩手託兒頭。於耳前少上處。輕輕搖之。所謂赤鳳搖

頭也。治驚風。按摩經圖附卷三

一搖斗肘。

穴註上

左手托兒斗肘。運轉。右手持兒手。搖動。能治

痞。按摩經

一搖左右手。醫者以一手掐勞宮。一手掐心經。兩各搖之所

謂丹鳳搖尾也。治驚風。按摩經

圖附卷三

一掐威靈精甯二穴。搖擺之。所謂鳳凰轉翅也。治黃腫。按摩

經

圖附卷三

一將小兒手從輕從緩搖之。男左女右。能化痰。按摩經

案按摩以下六法。由按摩變化而出者。其立法之名雖異。而立法之義則同。各篇所載主治各穴。是一病而施一法。恐有未盡之處。周氏所著。後人秘爲家傳。不知皆古人所傳之法。具在簡編。以治各證。或合數法。或合十餘穴。分而治之。而主治之法宜多。非一證僅用一法已也。每日治法。

或一次或三次。病輕者或三次五次即愈。病重者或十數次。或數十次。手法有輕重。治數有多寡。皆得其宜。按摩自無不效。其餘所附諸法。亦以佐按摩之不逮者爾。楊厲子

龍上按摩要訣卷一

抄

二

## 汗法

周子蕃曰。凡小兒寒熱互作。鼻流清涕。或昏迷不醒。一切急慢驚風等證。須用蔥薑煎湯。以左手托病者頭後。用右手大指面蘸湯摩洗兩鼻孔三十六次。謂之洗井竈。以通臟腑之氣。隨用兩大指蘸湯摩洗鼻兩邊二十四次。後又蘸湯由鼻梁山根推至印堂。顙門三十六次。再用兩手食指中指無名指小指將病者兩耳攀轉向前。掩兩耳門。卽以兩大指自天庭左右分推兩額各三十六次。又以大指掐兩太陽並印堂二十四次。掐後又將全指揉二十四次。再用兩大指按兩太

陽兩中指按腦後兩風池穴一齊着力按搖三十六次令小兒大哭出汗卽當時無汗隨後亦自有汗或蘸蔥薑湯推肺俞穴一窩風內勞宮二人上馬等處皆取汗法也總之面部通臟腑無論何證以取汗諸法爲最但蘸湯推摩後須用手掌揩之令頭面皆乾恐水溼反招風也卽有病自汗者亦用以取正汗汗後須推脾土以收之是法於風寒外感最宜若內傷則又宜參酌也

案周氏汗法求其來歷不可得豈周氏獨出心裁與抑本之異人傳授與余用以治外感諸邪靈妙異常

惕厲子

# 吐法

屬于蓄曰。小兒外感風寒。內傷乳食。致咳嗽嘔吐痰涎積聚。宜先用汗法。隨將左手托病者腦後。令頭向前。用右手中食兩指。插入喉間。捺舌根。令吐。有乳吐。乳有食吐。食有痰吐。痰如初感於一吐之後。病卽告退。再按證以手法施治。則愈矣。但孩兒已生牙齒。按牙關穴。牙關立開。須用竹筴筆桿之類。填牙齦。再入手指。庶免咬傷。須從容入口。恐傷喉腭。卽或胃無積滯。用此一吐。亦舒通臟腑之氣。若由厥門推下橫紋。令吐者。不若按舌之快也。



案仲師梔豉湯瓜蒂散吐法也。丹溪以吐中有發散之意。張戴人三聖散等吐法甚多。經曰高者越之。又曰上者涌之。先賢用此法不可勝數。其吐時宜閉目以帛束胸腹。吐不已則飲以熱湯。皆吐中法也。余於暴感停滯喉閉痰厥等證。以鹽少許糝沸湯用竹箸敲二三百次。連飲數口。以雞毛鵝翎蘸湯入喉。隨探隨吐。將痰涎宿食因而越之。所感外邪失所憑依。實治法捷徑也。較周氏以手按舌並先賢用藥吐者。不如此欲吐則探。欲不吐則已。權自我操。可行可止。須量其人體質爲之。若氣虛體弱吐宜慎。

楊厲子

## 下法

周于蕃曰。凡小兒未能語者。忽大哭不止。多是腹痛。須令人抱小兒置膝上。醫者對面。將兩手於胸腹着力久揉。如搓揉衣服狀。又將兩手摩神闕。左右旋轉數百次。每轉三十六。愈多愈效。再煎蔥薑湯。加香麝少許。將兩手蘸湯於胸腹兩邊分推數十次。至百餘次。亦爲分陰陽之法。然後從胸口蘸湯推至臍下小腹並肚角等處。數十次。其餘蘸湯由橫紋推向版門。皆下法也。總之胸腹上下。或摩或揉或搓或推等法。往來輕重緩急得宜。自然消化。切勿偏用。庶臟腑不致有反復。

不甯之患。卽有痰滯食積在迴腸曲折之間。藥力所不能到者。此則妙在運動。因之消化而解矣。

案汗吐下周于蕃所傳之法。張氏秘之。其於家中有病者。婦孺皆悉此法。除病極速。自余將周法闡明宣著。並於其文義不順者。從而竄易之。更令讀者易習也。雖仲師有溫下寒下法。而此則別有神妙之處。用是法者。自能知之。不

待贅言。惕厲子

## 鍼法

鍼法失傳久矣。靈樞甲乙經具在。習之匪易。用之爲難。若周于蕃所施鍼法。則顯而易者耳。其書內所載第一用鍼要訣。無論急慢驚風。於小兒不饑不飽之時。應用花鍼。將虎口風氣命三關。並手少商足少商等處。本驚搐之要穴。男左女右。略刺皮破血出。不可深入。恐傷小兒。反變他證。鍼法一用。病輕者。隨手卽愈。若重證。須將主治之穴。再用推運掐揉諸法。雖病已垂危。無不可冀其回生也。

一鍼少商。少商在大指甲外角。韭葉許。鍼一分。沿皮向後三

分治喉癰腫痛。周于蕃

一鍼端正端正在中指端兩旁鍼一分沿皮向後三分灸七壯治中風不省人事並治心痛。周于蕃

一鍼曲池曲池在肘外輔骨屈肘橫紋頭陷中鍼七分治喉痺不能言者。大成

一鍼禾髎禾髎在鼻孔水溝旁五分鍼三分治鼻癰鼻塞不通者。大成

一鍼合骨合骨在大指次指陷骨間鍼三分治喉痺喉風腫痛者。周于蕃

案是篇采集無多。所慮無知妄作。漫施鍼法。以人命爲兒戲。亦慎重治法之意。識者亮之。余有一二戚友行鍼法者。亦曾厯言神效。術有自來。然余性多慎。終不敢見信也。厲惕子

## 灸法

異法方宜論。野處乳食。藏寒生滿病。其法宜灸炳。故灸炳者。亦從北方來。王太僕註。水寒冰冽。故生病於藏寒也。火艾燒灼。謂之灸炳。玉機真藏論。或痺不仁。腫痛。當是之時。可湯熨及火灸刺而去之。又曰。筋脈相引而急病。可灸可藥。素問言。灸者不勝數。灸法分補瀉。以火補者。毋吹其火。須待自滅。以火瀉者。速吹其火。開其穴也。其用火也。宜清麻油燈火。或素蠟燭火。其用艾葉也。宜五月五日採曝乾。陳久者良。入曰搗細篩去塵屑。再入曰搗。取潔白爲止。須令極乾。經火易燃。艾

圓分大小。灸面炷宜小。灸胸腹手足炷大如箸。若小兒周歲後。炷如雀糞則可。其壯數多寡也。灸頭項止於七壯。積至七壯止。此外積至百壯。或五十壯。此曹氏灸法也。豈必如扁鵲三五百壯。以及成千壯哉。其取穴也。坐點穴則坐灸。臥點穴則臥灸。立點穴則立灸。須四體正直爲要。如稍有傾側。徒傷好肉耳。其灸後調攝也。不可飲茶。恐解火氣。不可啖飯。恐滯經氣。須少停一二時。入室靜臥。平心定氣。切忌色慾厚味。大怒大勞。大饑大飽。恐生痰涎。阻滯病氣。因灸而反致害者。此也。是亦灸法之所預防者爾。



一灸尺澤。尺澤在肘中約紋上。動脈中。屈肘橫紋筋骨罅陷中。灸七壯。治小兒慢驚風。按摩經

一灸長強。長強督脈之別絡。脊骶骨端計三分。伏地取之。足少陰少陽之會。灸三十壯。治小兒癩癧癥瘕。按摩經

一灸神庭。神庭在直鼻上。入髮際五分。足太陽督脈之會。灸七壯。治小兒癩癧驚風。按摩經

一灸少商。少商在大指甲角韭葉許。灸七壯。治五癰。周于蕃

一灸十一椎下兩傍。相去各一寸五分。灸七壯。治小兒脇滿。四肢不收。疳癖積聚。腹痛不嗜食。并治痰瘧寒熱黃疸等

證。按摩經

一灸尾閭骨上三寸陷中。治小兒疳瘦諸方不差者。宜在三  
伏日內用楊葉煎沸湯浴之。正午時灸。灸後帛拭。見有疳  
蟲。隨汗卽出。鍼灸大成

一灸章門在大橫外直季脇肋端。臑臍上二寸。兩旁六寸。側  
臥屈上足伸下足。舉臂取之。又云肘尖盡處是穴。灸七壯。  
治小兒身瘦腹脹。四肢懈惰。肩臂不舉。大成

一灸中庭。中庭在臛中下一寸六分陷中。灸三壯。治小兒吐  
瀉。大成

一灸龜尾。

穴註上

灸一壯。治脫肛瀉血秋深不效者。

大成

一灸臍中。三壯。千金方。隨病者年歲若干。灸若干壯。亦治脫

肛。

大成

一灸百會。百會在頂中央旋毛中。可容豆。直兩耳尖。灸七壯。

治中風角弓反張。涎沫時吐。

大成

一灸鬼哭穴。以病者兩手大指並縛之。用艾炷於兩甲角並

甲後肉騎縫四處。火灸。則病者哀告我自去爲效。是治鬼

魅狐惑者。

大成

一灸足兩大指內。去甲一韭葉許。治卒死暴絕鬼魘者。

大成

一灸十四椎下兩旁各開三寸。是爲精宮穴。灸七壯。專治夢

遺。大成

一灸鬼眼穴。令病者舉手向上。略轉後些。則腰上有兩陷。可見是也。以墨點記。於六月癸亥夜亥時灸。勿令人知。專治癆蟲。或四花膏肓肺俞亦可。大成

一灸十三椎下。各開三寸半。治痞塊。多灸左邊。如左右俱有。左右俱灸。大成

一灸足第二指歧叉處。五七壯。治有痞塊者。左患灸右。右患灸左。灸後卽是夕腹響爲驗。大成

一灸肘尖。治療癰。左患灸右。右患灸左。大成

一灸乳後三寸。或兩大拇指頭。男左女右。治尸疰客忤中惡等證。大成

一灸左右手面中指節宛宛中。七壯。治贅疣諸癰。大成

一灸兩手大指縫。或足二指上一寸半。治腫滿。大成

一灸治偏墜者。用稭心一條。量病者口兩角爲準。摺爲三段。如△字樣。以一角安臍中心。兩角安臍下兩旁。尖盡處是穴。左患灸右。右患灸左。左右俱患。左右俱灸。艾炷如粟米大。四十壯止。大成

一灸足大指次指中節橫紋當中處。四十壯治疝痛心痛。小腹急痛。大成

案病宜灸者甚多。就目前常用者略舉一二。然其中有宜灸亦有禁灸者。鍼灸大成一書不可不讀也。第古人灸法。用艾置膚上。以火燃之。恰受炮烙之傷。病者見之皆懼。不如用生薑切片。以艾燃溫置穴上。一經烙痛。即將薑片艾火撤去。庶免痛苦。較古法爲尤精。是說亦本之先賢。今時皆遵之。惕厲子

## 焯法

焯法楚人多用之。取肥白鐙芯截三四寸長。微蘸麻油烘乾。燃着。右手平持鐙心。以尾下垂。按穴焯之一。近皮膚卽提起。焯燂有聲。須手法靈捷。勿致灼傷肌肉。夏禹鑄所謂元宵火也。

一焯臍風。小兒生七日。臍風初發。吮乳必少。眼角眉心有黃色。卽用鐙火於顙門眉心人中承漿兩手大指少商等處。各一焯。臍旁四圍六焯。臍帶未落。於帶口一焯。如旣落。則於落處一焯。共十三焯。風遂止而黃退矣。若黃色到鼻猶

易治。人中承漿俱黃。則重至脣緊舌強爲無治。周于蕃

是證發時。腹上有青筋一條。若上行分枝至心下則危。宜用鐙火於青筋盡處各一焦。分枝總叉處三焦。青筋下縮者吉。周于蕃

如有病家因小兒畏火者。用肥白鐙芯截寸許長。不蘸油。稍用口津粘各穴上。以火燃之。近肉卽熄。用以代焮。但力輕。當用一焦者。須三倍之。周于蕃

一焮胎寒。小兒生一二日內。面青脣白。不乳不啼。肢冷拳縮。或腹痛啼哭不已。皆胎寒也。用鐙火於顙門。眉心。臍心。各



一焦。臍旁四圍六焦。左右足跟兩旁各一焦。共十五焦。聲音不出者。肺俞穴二焦。左右少商穴各一焦。

周于蕃

一焮。霍亂。人身營衛之氣。爲邪氣所阻。不能流通。則手足厥冷。肚腹疼痛。身有紅點隱隱者。此名班痧。亦名番痧。俗以厥冷。謂爲陰痧者。非也。以鎗心微蘸油點火焮之。其病卽

鬆王孟英

釐正按摩要術卷二

二

三

## 砭法

砭石鍼也。山海經高氏之山多鍼石。素問異法方宜論東方之民。黑色疎理。其病癰瘍。其治宜砭石。古人鍼砭並重。藥石同稱。史記倉公傳年二十是謂易質。法不當砭灸。漢時猶有此法。後世廢之。並不識其石。博考諸書。祇資鋒砭血法。有以石刺病。遺義爰亟錄之。亦禮亡羊存之意爾。

一砭赤遊丹也。丹毒赤腫。先以水漱口。吮惡血。各聚一處。用細瓷一片擊碎。取鋒芒者。將箸頭劈破夾定。以綫縛之。左手二指捻定。右手另取一箸。將鋒芒對惡血處。輕輕擊破。

血出後以玉紅膏封之。如小兒生在百日內者。忌用。患在頭者。亦忌用。

醫宗金鑑

附秘傳極驗方。銀硃一錢。明雄黃五分。共研細末。糝之。或敷亦可。

## 浴法

王機真藏論脾風治法。可按可藥可浴。至真要大論摩之浴之。是浴法爲歧黃所用者。漢有仲師述伊尹湯液之法。古治遂棄而不講。用特搜錄浴法數條。以存古法之遺。

一千金方浴法也。凡浴小兒湯。須冷熱調和。勿令兒驚而生疾也。第在冬不可久浴。浴久則傷寒。夏不可久浴。浴久則傷熱。若頻浴而兒背受冷。則發癩。如不浴。又令兒毛落。

一千金方浴法也。凡新生兒。以豬膽一枚。取汁投湯。其湯則宜用桃根梅根李根各二三枝。呋咀。以水三斗。煮取二十

湯去滓浴之能除不祥令兒終身無瘡疥。

一簡要濟衆方浴法也。小兒初生以益母草半斤劉細煎湯溫浴之能除百病。

一痘證浴法也。水楊葉

無葉用嫩枝

一斤煎湯去滓加酒少許俟

涼熱得宜入密室中浴之頭面胸背宜少浴。治痘將出未出時爲寒邪所束標不見出不快等證。

一證治準繩浴法也。凡浴小兒後以蚌粉輕輕撲之然後包裹能辟邪收溼散氣。

# 盒法

盒說文同盦。六書索隱借爲庵舍之庵。古人印章多用之。集韻乙盦切。音額。說文覆盦也。徐鉉曰俗作盦是盦與敷法相似。又與熨法相類。而其實不同。世俗所謂幫胸口者卽此盦法之義也。

一葱豉盒法也。連鬚葱白生薑淡豆豉等分。加鹽少許。搗爛作餅。盒臍上。散風寒。理積滯。兼治二便不通。寶鑑

一蕎餅盒法也。醋炒蕎麥麴爲兩餅。更換覆額上。取汗。以收風毒。治風寒頭痛。理渝新文

一葱螺盒法也。阜角生半夏麝香為末。填臍內外。用田螺葱

白搗餅蓋之。治小便不通。吳尚先

一確黃盒法也。大黃芒硝葱白搗餅盒臍口。治熱結胸。治小

兒可。治大人亦可。理瀹駢文

一巴豆盒法也。巴豆飛麵同搗餅盒臍口。貼肉襯薄布一層。

防巴豆油近肉起泡以熨斗熨餅上。治寒結胸。理瀹駢文

一大黃盒法也。醋調大黃末為餅盒臍上。治吐血。此釜底抽

薪法。理瀹駢文

一葱薑盒法也。葱薑搗細。大人掌上搓熱貼臍門。治月內小



兒傷風鼻塞發搐

理瀹駢文

一黑豆盒法也。黑豆一升煮播爛。盒腰上。治腎經痘。腰痛遍身痛。理瀹駢文



## 疎表法

陳飛霞曰。凡小兒無論風寒食積。將出痘疹。於發熱時。宜用葱一握。搗爛取汁。少加麻油和勻。以指蘸葱油。摩運兩手心。兩足心。並前心頭面項背諸處。每處二十四下。隨以厚衣裹之。並蒙其首。取微汗。不可大汗。此等汗法。最能疎通腠理。宣通經絡。使邪氣外出。不致久羈營衛。而又不傷正氣。可以佐周于蕃用汗法也。



# 清裏法

陳飛霞曰。小兒身熱至二三日後。邪已入裏。五心煩熱。坐臥不甯。口渴多啼。胸滿氣急。面赤脣焦。大小便秘。此爲內熱也。用雞蛋一枚。去黃取清。入麻油約與蛋清相等。再加雄黃末一錢。攪勻。炖溫。以婦女亂髮一團。蘸蛋清於胸口拍之。至臍輪止。須拍半箇時之久。卽以所用之髮敷於胸口。以布紮之。一炷香後。卽去。以蛋清滋陰退熱。麻油雄黃拔毒涼肌。身有熱者。用之能退。卽無熱而啼哭焦煩。神志不安。去蛋清專用麻油雄黃亂髮拍之。敷胸口。卽時安臥。是法救危險之證。功

難殫述也。

## 解煩法

陳飛霞曰小兒實熱證。痧疹毒盛。面赤口渴。五心煩燥。啼哭不已。身熱如火。氣喘鼻扇。揚手踢足。一時藥不能及。用鉛粉一兩。以雞蛋清調勻。敷胸口及兩手心。復用釀酒小麴十數枚。研爛。和熱酒作二餅。貼兩足心。布紮之。少頃其熱即散於四肢。心裏清涼。與前清裏法相似。





## 開閉法

陳飛霞曰。小兒風痰閉塞。昏沈不醒者。藥不能入。甚至灸不知痛。總由痰塞其脾之大絡。截其陰陽升降之隧道也。證雖危險。急用生菖蒲。生艾葉。生薑。生蔥。各一握。共入臼搗如泥。以麻油原醋同炒熱。布包之。從頭項胸背四肢乘熱下熨。其痰卽豁。自然甦醒。此方治小兒可。卽治大人亦可。凡閉證皆效。



## 引痰法

陳飛霞曰。小兒痰嗽氣喘。有升無降。喉如鋸聲。須引而下行。最爲得法。生白礬一兩。研末。入麥麴一兩。或米麴亦可。用原醋和。作成餅。以白礬見醋卽化。入麴取其膠黏也。冬寒日宜炖溫。貼兩足心。布包之。一宿痰自下。

[illegible]

## 煖痰法

陳飛霞曰。小兒胸有寒痰。一時昏迷。醒則吐痰如菉豆粉。濃厚而帶青色。此痰之生於寒者。前法皆不能化。惟生附子一枚。生薑一兩。同搗爛炒熱。布包熨背及胸。熨完將薑附捻成一餅貼於胸口。久則痰自開。



納氣法

陳飛霞曰。小兒虛脫喘急。真氣浮散。適值危亡之頃。諸藥莫效。用吳茱萸五分。胡椒七粒。五倍子一錢。研極細末。和酒成餅。填實肚臍。以帶紮之。其氣自順。





## 通脈法

陳飛霞曰。小兒忽手足厥冷。總由表邪閉其經絡。或風痰阻其營衛。又或大病後陽氣不達於四肢。速用生薑煨熟。搗汁半小杯。略入麻油調勻。以指蘸取。摩兩手足心。兼用搓揉。以通經絡。俟其熱回。以紙拭去之。此法不論陰陽虛實用之。皆效。



## 定痛法

陳飛霞曰。小兒胸腹飽悶。時覺疼痛。用食鹽一盃。鍋內炒熱。布包之。由胸腹從上運下。冷則又炒。又運。鹽走血分。最能輕堅。所以止痛。卽以治男婦氣痛。皆能取效。由疎表至此九法。皆古書不載。實由異人傳授。經驗既久。神效無匹。筆之以公諸天下後世者。

案陳飛霞九法外治確精。實有神效。乃措詞殊多未洽。余不辭僭妄。取其義。易其辭。以求明顯。務期讀者一目了然。方能愜心貴當。是卷二十八法。以之治小兒。可以之治大。

人亦可。切勿視爲泛常也。惕厲子

## 熨法

史記扁鵲傳案牴毒熨索隱案牴謂案摩而玩弄身體使調也。毒熨者謂毒病之處以藥物熨貼也。熨法昉自扁鵲而今時多不用者以爲外治特其小技耳。不知靈樞素問外治者不勝書。余嘗仿其法以行之。確有神效。不敢自私。亦不敢自秘。每遇病者食積痰滯結於胃脘。宜辛開苦降以治之。設誤服攻下大劑。正氣已傷。積滯未去。此時邪實正虛。無論攻下不可。卽消導破耗之劑。並不敢施。惟有用熨法外治。炒枳殼炒萊菔子各一兩。大皂角一條。食鹽五錢。共研末。白酒炒溫。

用青布紮好乘熱熨之積滯漸除。胸次自能舒適。此楊厲子  
自製一方。誌之以就正有道者。

呪法

太陰化生金水之精。鑿劔披髮手執寶刀。三界橫行。徹裏流驚。東王公西王母急去山中采果。莫休小兒身上作禍。南斗六司延壽星。北斗七元解厄星。吾奉太上老君急急如律令。勅收驚神呪。

案呪內莫休休字應是將字。文義方順。記此以待識者正之。惕厲子。

天蒼蒼地蒼蒼。小兒夜啼驚不祥。吾師今日來收捉。小兒卽夕立安康。天驚地驚年驚月驚日驚時驚水驚火驚前簷公。

吊驚。後簷公吊驚。六六三十六驚。吾師奉法來收捉。要受鐵  
枷鐵鎖刑。諸神速速遠離去。小兒穩睡永安甯。吾奉太上老  
君急急如律令勅。收驚神呪

勃瘧。勃瘧。四山之神。使我來縛。六丁使者。五道將軍。收汝精  
氣。攝汝神魂。速去速去。免逢此人。截瘧呪

案是呪繫袁簡齋傳。凡有瘧疾者。臨發時朗誦不斷。卽止。  
天火燒太陰。地火燒太陽。五雷靈不滅。燒斷諸不祥。截瘧呪

案是呪繫宋西橋傳。用米粉作餅。蒸熟。新筆調硃砂。將天  
火至不祥二十字。卽於餅上寫三次。後錄病瘧者姓名預



前食自止

我從東方來。路逢一池水。水內一尊龍。九頭十八尾。問他喫甚麼。專喫瘡疾鬼。太上老君急急如律令勅。截瘡呪

案是呪於久瘡不愈者。以棗一枚。安病者口上。誦三遍。將棗納入口中食之。卽愈。

吞骨散。化骨丹。化龍下海入深灘。卽吞卽化。無論銅鐵皆化開。吾奉太上老君急急如律令。諸骨卡喉呪

案是呪。須面東持水一碗。右手劒訣書符。符曰。龍兒奉化神符勅令。書畢。誦呪七遍。用劒訣在水碗內點三點。令卡

者一氣吞下其效如神。

案水碗須用煉水法。每日晨起淨心沐手焚香面東持水如前法七呪畢誦呪者自將水碗內之水一氣吞完。如此四十九日不可間斷。以後用之如神。

赤眼神赤眼神。我今知道你緣因你是相公門前掃街人。只因灰塵吹入目。至今留下赤眼人。火眼呪

案是呪楊子堅法。念前呪畢將病眼吹一口。卽念急急如律令。

年不利。普安保利。月不利。普安保利。日不利。普安保利。時不

利普安保利一切九重房內有犯。普安到此百無禁忌。犯龍頭。報龍頭。犯龍腰。報龍腰。犯龍爪。報龍爪。犯龍尾。報龍尾。弟子與風一口。一吹一千里。二吹二千里。三吹三千里。太上老君急急如律令。犯眼呪

案是呪楊子堅法。左手持劒訣指眼。誦呪畢。將眼吹三口。如吹太過。則瞳人反背。再將前呪誦一遍。呵一口。則瞳人如故。

天靈靈。地靈靈。家先香火不安甯。廚竈前頭多穢犯。挖窖動土。侵龍神。弟子念來神。卽曉各安方位。守家庭。我今拜請三

光至。開爾翳障。霎時明。一切火風皆滅沒。神光依舊復天真。  
吾奉太上老君急急如律令。犯眼呪

案是呪楊子堅法。手用劍訣默誦。左眼書霄字。右眼亦書  
霄字。左右眼俱重書霄字。隨吸氣一口吹之。

天上金雞叫。地下錦雞啼。兩雞來相關。萬毒化爲泥。吾奉太  
上老君急急如律令。犯翳呪

案是呪楊子堅法。誦畢書散字於翳上。運神以手抓出。得  
脚叫一聲。曰散。總要平時練習用之。方靈。

監生之神。衛生之靈。脫骨成胎。化骨成形。骨速開。骨速開。勿

傷母命。勿損子胎。敬請九老仙子君。日月光明普照。生吾奉  
太上老君急急如律令。催生神呪

案是呪虔誠誦三遍。晝對太陽。夜對燈光。衣冠正揖。另  
用黃紙一條。持硃砂新筆。於紙中間寫一卅字。頂上寫馬  
挨次順寫。圓圈合縫。馬叶切勿潦草。寫畢付產婦親人用  
溫水一盞。持符於燭上焚化。入水中。令產婦服下。卽產。兼  
能保胎。並下死胎。且寫符時。便知生男生女。以寫馬字合  
縫。數雙生女。數單生男。以無心寫之。最爲應驗。

摩家公。摩家母。摩家子。兒苦客忤。從我始。扇鵲雖良。不如善

唾良。千金方客忤呪。

案是呪先用粉爲丸。雞子大。摩兒顙門上及手足心各五遍。又摩心腹臍上下十數次。摩訖唾而呪。唾訖棄粉丸於路旁。

天蒼蒼地皇皇。我家有箇夜啼郎。來往君子念一遍。小兒睡到大天光。保嬰易知錄夜啼呪

案是語用紙敬書。書後遍貼路旁。爲人易見之處。總不要四眼見。

案呪法本上古祝由之義。其中或效或不效。病者邪氣已

衰而呪者豫習於平時用之於當境又加以精誠格之原無不效若邪氣方張呪者又潦草塞責恐不足治病也儒者於符呪諸術輒指爲怪誕不經謂爲江湖伎倆耳然亦思善操是術確有神效則誠解無可解而不可不信者若竟以誣妄斥之則過矣

惕厲子







蚌

音棒

益

音闔

麤

音敷

小麥

播

音若

六畜之畜

曰

音咎

石曰

蚌

搗

俗搗字

揣

音揣

腓

音壓

夢

腓

音湊

肉理

攪

音絞

炖

音噉

貌

鋸

音具

杭

音玩

史記案

杭毒

熨謂按

伎

音技

兩

音異

膏

荒

膏

音心

上

音下

也

釐正按摩要術卷二終